

Aurtengo honetan berezia izango da M17aren ospakizuna, bakoitzak bere etxetik egin beharko baitu LGTBIQ+fobiaren Aurkako Nazioarteko Egunaren aldarrikapena.

Horretarako, dokumentu honetan proposamen bat egiten dizuegu, zuen etxeetan egin dezazuen.

PROIEKTUA:

Aurten gure leiho eta balkoiak aldarrikapen desberdinen erakusleiho bihurtu dira eta joera horrekin jarraitzeko hurrengo proposamena luzatzen dizuegu M17ko aldarrikapena egin eta zuen balkoiak kolorez betetzen jarraitzeko. Hartu etxean dituzuen materialak eta, irudimena erabiliz, marraztu eta kolorezta itzazue zuen eskuak.

Hemengo hau proposamen bat besterik ez da, baina beti koloreak errespetatuz, material eta teknika desberdinak erabili ditzakezue zuen lanak egiteko.





Egiten dituzuen lanei argazki bat atera eta helbide honetara bidaltzera animatzen zaituztegu, gero ikastolako web orriaren bidez emango ditugu ezagutzera:

hezkidetza@kurutziagaikastola.eus

Animatu eta egin zuen artelanak!

GLOSARIOA:

Amaitzeko, LGTBIQ+ kolektiboarekin lotura duten eta egun feminismotik bultzatzen eta ezagutarazten ari diren hainbat terminoren definizioak aurkituko dituzue. Ezjakintasunetik edota ziurgabetasunetik atera eta termino bakoitza dagokion lekuan jar dezagun.

Sexua

Desberdintasun biologikoa (maila genetiko, endokrino eta neurologikoan) azaltzeko erabiltzen den terminoa. Arra eta emea sailkapenari dagokiona.



Sexismoa

Sexu bateko pertsonak diskriminatzea edo gutxiestea izango litzateke, beste sexua baino gutxiago delakoan, gure kasuan emakumezkoena.

Matxismoa

Gizonezkoei, gizon jaiotzeagatik, emakumeen gainetik aitortzen zaien/zaigun nagusitasun jarrera.

Genero femeninoarekiko zein jendarteak ezartzen dituen araututako genero-adierazpen eta orientazio afektibo-sexuala ez-heteronormatiboak dituzten pertsonen aurkako ekintza fisiko zein ahozkoen multzoa.

Feminismoa

Emakume eta gizonen arteko eskubide berdintasunaren alde borrokatzen duen ideologia eta mugimendua.

Errealitatea, hau da, botere erlazioak, jendarte egiturak eta sexuen arteko erlazioak emakumearen ikuspegitik interpretatzen ditu.

Egungo sexu-genero sistemak sortutako eredua gaindituz, jendartearen eraldaketa aldarrikatzen du.

Maskulinitatea

Jendarteak gizon eta mutilei buruz osatzen duen berariazko portaera, rol, ezaugarri fisiko eta psikologikoen multzoa, femeninoekin kontrajarriak.

Feminitatea

Jendarteak emakume eta neskei buruz osatzen duen berariazko portaera, rol, ezaugarri fisiko eta psikologikoen multzoa, maskulinoekin kontrajarriak.

Sexu biologikoa

Pertsonak gizon eta emakume bezala definitzen dituen ezaugarri biologiko, fisiko, fisiologiko eta anatomikoen multzoa.

Sexu biologikoaren arabera jaio aurretik gizon eta emakumeei hainbat ezaugarri ezberdin ematen dien eraikuntza sozial eta kulturala.

Sexu-genero sistema bitarra

Sexua eta generoa osagarriak eta ezberdinak diren forma maskulino eta femeninoan sailkatzen dituen sistema. Sistema bitar honek “sexua”, “generoa” eta “sexualitatea” berariaz lerrokatu egiten ditu; hau da, gizona, itxura, gorputz, izaera eta jarrerarekiko maskulinoa bezala ulertzen du eta horrek emakumeekiko sexu-orientazio heterosexual bat dakarkio. Sailkapen honek, beraz, bi eredu horietatik at uzten ditu sexu-organo intersexualak dituzten gorputzak eta euren burua lesbiana, gay, transexual, transgenero, genero ez-bitarreko edo hirugarren generoarekiko identifikatzen diren pertsonak.

Heteropatriarkatua

Gainontzeko genero eta orientazio afektibo-sexualen gainetik genero maskulinoa eta heterosexuala gailentzen den sistema soziopolitikoa.

Heteroaraua

Patriarkatuak inposatutako gizarte, politika eta ekonomia erregimena, alderdi publikoan zein pribatuan zabaltzen dena. Erregimen honen arabera, heterosexualitatea da onartzen den desio afektibo-sexuala adieraz-

teko modu normal bakarra. Hau da, orientazio afektibo-sexuala, rola eta pertsonen artean eratzen diren harremanak “gizon-emakume” sistema bitarrean eman behar dira, eta sexu biologikoak genero-adierazpenarekin zein sozialki honi onartutako desioekin bat egin behar da beti. Horrekin batera, azal zuria, klase ertaina, eta familia tradizionalaren partaide izatea da heteroarauak aurkezten duen eredu bakarra.

Genero-rola

Gizon edo emakumea izateagatik kultura eta jendarte baten baitan onargarriak diren jarreraren multzoa. Jarrera hauek jendarteak





maskulinitateari eta feminitateari buruz duen eraikitako ideiaaren arabekoak dira.

LGTBIQ+fobia

LGTBIQfobia hitzezkoa, fisikoa eta sinbolikoa den biolentzia da, sexualitatea heteronormatibitatearen baitan arautzen duen sistema kultural oso batean oinarritzen dena. Biolentzia hau sistema honek arautzen dituen praktika sexualekin eta genero rolekin apurtzen duten/ dugun pertsonengan ematen da, eta, beldurra, isolamendua, autoestimu falta zein depresioak ditu ondorio bezala.

